



AN COIMISIÚN
EORPACH

An Bhruiséil, 26.1.2016
COM(2016) 36 final

2013/0014 (COD)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis an

seasamh ón gComhairle i dtaca le Rialachán nua maidir le Gníomhaireacht Iarnróid an Aontais Eorpaigh a ghlacadh agus lena n-aisghairtear Rialachán (CE) Uimh. 881/2004

(Téacs atá ábhartha maidir le LEE)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

**de bhun Airteagal 294(6) den Chonradh ar Fheidhmiú an Aontais Eorpaigh
maidir leis an**

**seasamh ón gComhairle i dtaca le Rialachán nua maidir le Gníomhaireacht Iarnróid an
Aontais Eorpaigh a ghlacadh agus lena n-aisghairtear Rialachán (CE) Uimh. 881/2004**

(Téacs atá ábhartha maidir le LEE)

1. CÚLRA

Ghlac an Coimisiún an 30 Eanáir 2013 pacáiste cuimsitheach reachtaíochta ina raibh sé thogra reachtacha arb é is aidhm dóibh seirbhísí iarnróid ar chaighdeán níos fearr a chur ar fáil san Eoraip agus rogha níos leithne de na seirbhísí sin a sholáthar.

Is gá feabhas a chur ar cháilíocht na seirbhísí agus ar a n-éifeachtúlacht ionas gur mó an tóir a bheidh ag paisinéirí ar an gcóras iarnróid de rogha ar mhodhanna taistil eile agus ionas go spreagfar iad le hiompú feasta ar an modh taistil sin. Is féidir luach níos mó a fháil ar an airgead a chaitear leo agus is féidir inbhuanaitheacht a bhaint amach i bhfianaise cistí tearca poiblí.

De bhreis air sin, is éard is aidhm don Phacáiste nuálaíocht a spreagadh in earnáil iarnróid an Aontais Eorpaigh d'fhonn ionchais lucht úsáidte na dtraenacha a shásamh. Cuirtear sin i gcrích trí bhíthin an Phacáiste ar thrí shlí éagsúla atá gaolmhar le chéile:

- (1) margaí na bpaisinéirí intíre a leathnú amach d'iomaitheoirí eile agus é a chur d'iallach orthu sin lena mbaineann tairiscintí a chur isteach ar chonarthaí seirbhíse poiblí;
- (2) neamhspleáchas na mbainisteoirí bonneagair a neartú chun go mbeidh feidhmeanna lárnacha uile an ghréasáin iarnróid faoina rialú, agus rochtain chothrom ar na hiarnóid a chinntiú do chách;
- (3) ról na Gníomhaireachta a neartú ionas gur 'ionad ilfhreastail' a bheidh inti feasta chomh fada le húdaruithe feithiclí lena gcur ar an margadh agus deimhnithe um shábháilteacht d'oibreoirí a éisiúint fud fad an Aontais Eorpaigh.

An dáta a cuireadh an togra chuig Parlaimint na hEorpa agus chuig an gComhairle

(doiciméad COM(2013) 27 final — 2013/0014 COD):

31 Eanáir 2013

Dáta na tuairime ó Choiste Eacnamaíoch agus Sóisialta na hEorpa:

10 Iúil 2013

Dáta na tuairime ó Choiste na Réigiún:

8 Deireadh Fómhair

2013

Dáta an tseasaimh ó Pharlaimint na hEorpa, an chéad léamh:

26 Feabhra 2014

An dáta a glacadh seasamh na Comhairle:

10 Nollaig 2015

2. CUSPÓIR AN TOGRA ÓN gCOIMISIÚN

Tá an Rialachán maidir le Gníomhaireacht Iarnróid an Aontais Eorpaigh agus lena n-aisghairtear Rialachán (CE) Uimh. 881/2004 ar cheann de shé thogra reachtacha a ghlac an Coimisiún an 30 Eanáir 2013 mar chuid den Cheathrú Pacáiste Iarnróid,

Is é is príomhchuspóir don athbhreithniú ar an Rialachán lena mbunaítear an Gníomhaireacht Eorpach Iarnróid (“an Gníomhaireacht”)¹ ról na Gníomhaireachta a neartú ionas gur ‘ionad ilfhreastail’ a bheidh inti feasta chomh fada le húdaruithe feithiclí lena gcur ar an margadh agus deimhnithe um shábháilteacht d’oibreoirí a éisiúint fud fad an Aontais Eorpaigh. Leis an Rialachán athbhreithnithe cuirfí le ról na Gníomhaireachta i dtaca le faireachán a dhéanamh ar na rialacha náisiúnta, thabharfaí d’údarás di a iarraidh orthu sin lena mbaineann deireadh a chur le rialacha nach bhfuil gá leo agus faireachán a dhéanamh ar údarais náisiúnta sábháilteachta agus thabharfaí ról ní ba shuntasáí di mar ‘údarás an chórais’ i dtaca leis an gCóras Eorpach um Bainistiú Tráchtá Iarnróid (ERTMS) agus le feidhmchláir theileamaitice.

Mhol an Coimisiún freisin leasú a dhéanamh ar ghníomh bunaitheach na Gníomhaireachta chun go mbeidh sé ag teacht le Ráiteas Comhpháirteach agus Cur Chuige Comhchoiteann na Parlaiminte, na Comhairle agus an Choimisiúin maidir le gníomhaireachtaí díláraithe² (lena gcuimsítear struchtúr rialachais, clársceidealú oibre ilbhliantúil agus simpliú na nósanna imeachta foirne).

I ngeall ar an líon suntasach athruithe a bhí tagtha ar chúraimí na Gníomhaireachta agus ar a heagrú inmheánach, mhol an Coimisiún gníomh nua a chur in áit Rialachán 881/2004/AE.

3. BARÚLACHA FAOI SHEASAMH NA COMHAIRLE

An seasamh ar an gcéad léamh a ghlac an Chomhairle Iompair an 10 Nollaig 2015, tacaíonn sé le príomhchuspóirí an togra ón gCoimisiún, mar atá ról na Gníomhaireachta a neartú. Os a choinne sin, imíonn sé ón togra i gcás gnéithe eile, go sonrach sa mhéid go dtabharfaí de rogha do ghnóthais iarnróid nó do mhonaróirí iarnróid atá ag feidhmiú in aon Bhallstát amháin iarratas ar dheimhniú um shábháilteacht nó ar údarú feithicle a dhéanamh chuig an nGníomhaireacht nó chuig údarás náisiúnta sábháilteachta an Bhallstáit sin.

Ina theannta sin, i dtaca le seasamh na Comhairle:

- leagann sé amach forálacha mionsonraithe maidir le feidhmiú mheitheal na Gníomhaireachta;
Léiríonn sé go sonrach nós imeachta maidir le rialacha trédhearcachta a ghlacadh lena gcur i bhfeidhm i gcomhthéacs den sórt sin.

¹ Rialachán (CE) Uimh. 881/2004 ó Pharlaimint na hEorpa agus ón gComhairle an 29 Aibreán 2005

² Ráiteas Comhpháirteach agus Cur Chuige Comhchoiteann na Parlaiminte, na Comhairle agus an Choimisiúin maidir le gníomhaireachtaí díláraithe a síníodh an 19 Iúil 2012

- cuireann sé ar fáil don Ghníomhaireacht na huirlisí is gá ionas gur féidir léi feidhmiú mar ionad ilfhreastail trí bhíthin córas faisnéise agus cumarsáide;
De thoradh na huirlise sin coimeádfar an Ghníomhaireacht agus na húdaráis náisiúnta sábháilteachta ar an eolas i dtaca le hiarratais ar údaruithe nó ar dheimhnithe um shábháilteacht, leis an gcéim chuí den nós imeachta agus leis an toradh a bheidh orthu.
- soiléiríonn sé ról na Gníomhaireachta maidir le rialacha náisiúnta a mhaolú i leaba a chéile;
Leis an téacs déantar foráil maidir le rialacha náisiúnta a scrúdú ó thaobh sábháilteacht iarnróid agus idir-inoibritheacht iarnróid agus ó thaobh comhoiriúnacht le rialacha iomaíochta d'fhonn rialacha náisiúnta a mhaolú de réir a chéile. Tá tuairim atá bunaithe ar shaineolas neamhspleách agus neodrach riachtanach ar leibhéal an Aontais. Sa chomhthéacs sin leagann an téacs amach ról na Gníomhaireachta mar a bheidh agus tuairim den sórt sin á tabhairt uaithi aici.
- liostaíonn sé cúraimí breise na Gníomhaireachta i dtaca le faireachán a dhéanamh ar na húdaráis náisiúnta sábháilteachta agus ar na comhlachtaí dá dtugtar fógra;
Déanfaidh an Ghníomhaireacht faireachán ar fheidhmiú na gcomhlachtaí sin agus ar a gcuid cinnteoireachta d'fhonn comhchuibhiú níos fearr a bhaint amach ar leibhéal an Aontais.
- sonraíonn sé an chaoi a bhfeidhmeoidh an bord achomhairc;
Leagann sé síos go sonrach rialacha mionsonraithe maidir le feidhmiú an bhoird achomhairc, lena n-áirítear rialacha maidir le neamhspleáchas bhaill an bhoird ar na páirtithe sin a mbaineann achomharc nó eadráin leo, maidir le coinbhleachtaí leasa bhaill foirne na Gníomhaireachta ar gach leibhéal a chosc agus a bhainistiú agus maidir le teorainn ama 3 mhí a leagan síos i gcás nós imeachta achomhairc d'fhonn a áirithiú nach mbeidh cásanna achomhairc ina gconstaic nó ina n-ábhar moille.
- sainíonn sé na coinníollacha chun gníomh cur chun feidhme a ghlacadh maidir le táillí is iníoctha leis an nGníomhaireacht.
Déanann sé coinníoll de go mbunófar táillí agus muirir ar bhealach a bheidh trédhearcach cothrom aonfhoirmeach agus nach gcuirfear iomaíochas earnáil iarnróid na hEorpa i mbaol.

Is oth leis an gCoimisiún go n-imíonn seasamh na Comhairle, á chur sin i gcomórtas leis an togra tosaigh a thíolaic an Coimisiún, go n-imíonn a seasamh ó chuid de na príomhfhórála a chomhaontaigh Parlaimint na hEorpa, an Chomhairle agus an Coimisiún in 2012 faoin gCur Chuige Comhchoiteann maidir le húdaráis dhíláráithe an Aontais Eorpaigh. Baineann sin go sonrach leis an méid seo a leanas:

- beirt ionadaithe thar ceann an Choimisiúin a cheapadh ar an mBord Bainistíochta in áit ceathrar ionadaithe mar a bhí;
- an chumhacht a thabhairt don tríú cuid de chomhaltaí an Bhoird Bainistíochta a mholadh go ndéanfaí an Stiúrthóir Feidhmiúcháin a bhriseadh as a phost nuair ba cheart faoin gCur Chuige Comhchoiteann go mbeadh an nós imeachta lena mbristear an Stiúrthóir Feidhmiúcháin as a phost ar aon dul leis an nós imeachta ceapacháin;

- i dtaca le breathnadóir a cheapadh as measc chomhaltaí an Bhoird Bainistíochta le súil a choimeád ar nós imeachta an Choimisiúin maidir le Stiúrthóir Feidhmiúcháin a thoghadh, cuireann an Coimisiún i bhfios go láidir freisin nach cóir go leanfadh de sin aon dúbláil rólanna i ndáil leis na nósanna imeachta roghnúcháin agus ceapacháin.

4. CONCLÚID

Measann an Coimisiún go bhfuil sé ríthábhachtach Rialachán na Gníomhaireachta a leasú má táthar chun creat simplithe aontaithe le haghaidh an tionscail iarnróid a thabhairt isteach.

Is uime sin a ghlacann an Coimisiún, de ghrá an chomhréitigh, le seasamh na Comhairle agus, ar an tslí sin, tugtar caoi do Pharlaimint na hEorpa an téacs deiridh a ghlacadh ar an dara léamh maille le cúig thogra eile de chuid an Cheathrú Pacáiste Iarnróid. Measann an Coimisiún go leanfadh den cholún margaidh agus den cholún teicniúil a ghlacadh in éineacht, go leanfadh de sin go ndéanfaí na sochair i dtaca le caighdeán na seirbhíse, le héifeachtúlacht agus le hiomaíochas an tionscail iarnróid a uasmhéadú.